

四庫全書

集部

欽定四庫全書

集部
文端集卷三
一至

詳校官庶吉士臣汪彥博

助教臣常循覆勘

總校官降調編修臣倉聖脉

校對官編修臣繆晉

謄錄監生臣繆汝和

欽定四庫全書

集部七

文端集

別集類六

國朝

提要

臣等謹案文端集四十六卷

國朝張英撰英有易經衷論已著錄此乃其詩文全集凡存誠堂應

制詩四卷存誠堂詩集二十五卷篤素堂詩集七

卷篤素堂文集十卷英遭際

昌辰仰蒙

聖祖仁皇帝擢侍

講幄入直

禁廷簪筆雍容極儒臣之榮遇矢音賡唱篇什最多其間鼓吹昇平黼黻廊廟無不典雅和平至於言情賦景之作又多清微淡遠抒寫性靈臺閣山林之二體英乃兼而有之其散體諸文稱心而出不事粉飾雖未能

直追古人而原本經術詞旨溫厚亦無忝
於作者焉乾隆四十六年五月恭校上

總纂官

臣紀昀

臣陸錫熊

臣孫士毅

總校官

臣

陸

費

桴

欽定四庫全書

提要

文端集原序

余自束髮學為詩今自順治己亥年以迄於康熙壬申約略凡三十四年存其詩若干首為二十五卷自幼至老多好言山林農圃耕鑿之事即與人贈荅往來游歷之所至亦不能離乎此迨年五十以後山林之思益迫引退之思愈急每不憚其言之重複而恒苦出於不自覺殆歐陽子所謂年益加老病益加衰而其心漸迫其言愈多者歟余自弱冠即抱此志每見才雋之士著作

非不多當其言廊廟則志耽軒冕言山林則志耽邱壑
一卷之中忽而慕變龍忽而慕巢許乍濃而乍淡倏近
而倏遠情隨境遷心與物移令人讀之而茫然不知其
志之所在夫詩以言志雖中更出處進退而無中變其
志之事洵如此則其詩可知矣則其人可知矣余詩謏
鄙固多重複而自少至老止言其志之所在而無暇計
論工拙聊可以免於讀其詩不知其志之所在云爾敢
云望古人堂奧哉既又輯癸酉以後詩以年月為次序

為篤素堂詩若干卷康熙甲申年三月望日雙溪英自序

金匱要略全書

原序

欽定四庫全書

文端集卷一

大學士張英撰

存誠堂應

制詩集一

講筵應

制詩五十二首

耕藉禮成恭紀四首

東郊淑景轉和風種黍朝來獻六宮禹甸三千開穡事
姬年八百肇農功雲依

鸞輅金根外春滿龍旂黛耜中自古惟陳無逸訓

君王親與萬方同

其二

乘時東未踐堯封九扈齊飛擁

六龍隴畔授鞭京兆尹壇邊進耜大司農青旂千畝公

卿集縹輶三推父老從

儉德由來兼孝德迎神此日撤歌鐘

其三

協風遙迓

翠華新正是農祥應律辰粟薦神倉

親享

帝

恩流御廩重勤民祀農壇畔三時慶觀藉臺邊萬寶陳
華黍登歌書大有遍將勞酒

賜諸臣

其四

十載

恩波遍海隅蒼生比屋戴涵濡淮揚水旱頻

頌粟豐沛巡行數

賜租

帝力久知歌父老

聖躬猶欲試泥塗疊逢盛事書惇史還進豳風七月圖

頌衆賜
租皆比年實政

扈

蹕南苑恭紀應

制二首

和風麗日象昭回
遊豫歡呼動九垓
旌影過時千騎擁
鐘聲迎處

六龍來青郊地接滹沱
迥平野天連碣石開

聖主時巡因駐蹕
侍臣欣得到蓬萊

其二

川融山靄迤

鸞輿樹裏星羅盡直廬萬馬踏雲開

御道千官近日護

宸居平原曠行初遊獵

行殿深嚴尚說書扈從屬車蒙

授簡抽毫作賦媿相如

南苑

講筵恭紀應

制四首

行宮清閔曉垂裳
裴几先陳

黼座傍

聖主勤民兼講誦
儒生報國藉文章
乍含雞舌膽

天表近傍龍鱗識

御香況是王階崇
儉德圖書道已接
義皇

其二

細旃廣厦集簪裾正是甘泉避暑初
閣啟適英朝進講筵開崇政早
陳書柳風細拂爐煙外鶯囀稀聞
畫漏餘喜見孝經通衛士誦聲常
聽滿星廬

其三

聖主崇文軼古今縹囊隨

輦入華林春秋不輟符天健寒暑無分見

帝心千樹周廬青入座五雲垂蓋結成陰
虞廷蓂莢初開遍好迓薰風鼓舜琴

其四

藜光三載

禁庭陰此日傳呼入

上林作賦忽承

君命重讀書久荷

聖恩深欣逢

盛代明良會敢負平生啓沃心最是臣愚如草木歡騰

亦自解謳吟

南苑扈從講武恭紀二首

時平講武近岐陽
甲冑蒐春出建章
洛水旌旗周甫草
西京詞賦漢長楊

御圍雲氣成龍虎
天廡星精本駟騶
畫戟雕弓森羽衛
射生羣與奉

君王

其二

畿南地曠接滹沱

宸蹕來遊淑景和馬散平原春草綠幕連芳樹晚煙多
雲邊影疾韞鷹落柳外風鳴獵騎過日暮天清西嶺出
居庸層嶂遠嵯峨

賜櫻桃恭紀

講筵人退五雲端分得含桃出

禁闌薦

廟祗因先百果承

恩舊許賜千官錦林初傍宮雲摘翠籠猶沾曉露溥飽

食盈筐叨

聖澤火珠光映水晶盤

又次同官吏鶴齡韻

朱櫻歷落藹春融
總在瓊霄雨露中
萬顆襯來新葉碧
滿筐擎出

上林紅最宜果熟明
光殿未許鶯銜長樂宮

賜食更餘筠籠帶
諸雛咸沐

聖恩同

賜白櫻桃恭紀

朱果頻經

賜上方忽看素質滿瑤筐堆從玉盃初難識瀉向銀盤
但有香鳥未敢銜疑雪片冰堪相映總珠光水晶簾下
初擎出風味宜含曉露嘗

賜魚兔恭紀

紅耳霜毛碧草眠

御河春水錦鱗鮮嘉魚盡入珊瑚網靈獸爭迎白玉鞭

山澤搜來遊獵後

恩波分自

御筵前還同門下沾

膏澤偕咏中林在藻篇

時被賜者
惟內閣翰林

南苑

大閱恭紀十二韻

試御

翠輦乘時駐翠微六軍講武近南畿
禮嫺蒐狩遵王制

夢叶熊羆合

御園七校騰驤誇虎旅三驅指顧視龍旂弓彎明月垂
金勒人度春風動鐵衣鎧甲光疑林雪滿驂騑色鬪嶺
雲飛普天雷動鉦聲出捲地風鳴獵騎歸翡翠旌麾翻
曉日珊瑚鞭影入斜暉玉盤晚進黃羊熟金彈新開白
兔肥盛代豐岐皆宿將清時頗牧在彤闈選徒自昔聞
蒐乘治外當今賦采薇常藉羽干昭

聖德還將戈楯耀

天威儒臣載筆慙謳頌緯武經文歷代稀

瀛臺

賜宴賞荷恭紀應

制二十韻

西苑良辰當盛夏煙波太液曉蒼蒼雲開翠巘連長樂
水漲明湖接建章飛閣千尋凌古木畫樓一半出疎楊
芳洲掩映黃金幄碧澗潄洄白玉堂幾處軒窗波上下
萬重煙樹水中央湖邊曲磴通瑤島天際長虹臥石梁
觀稼亭幽藏浦溆迎薰殿敞俯滄浪花濃水榭春光晚

柳拂魚磯午夢涼

西苑有觀稼亭藏舟浦迎薰殿水雲榭釣魚磯

鳳舸隔林聲

欸乃鸞旂拂樹影悠揚芙蓉發處龍池麗
菖蒲花時鳳沼香翠蓋翻風擎夜雨紅衣
浥露艷朝陽常垂並蒂迎芳輦時有微
芬逐彩航太華由來開玉井西園自昔
種銀塘爭如此地涵波澤得奉餘懽入
景光不向越溪迎畫楫豈同楚客泛羅
裳靈池廣集魚龍戲酺宴分沾鴈鷺
行羣卉獨標君子號千官留賞

聖人傍太平盛事鏤銀甕遊讌詩篇
媿錦囊此日隨車過

輦路頻年珥筆侍巖廊小臣拜獻甘泉賦願逐鳬鷖捧御觴

試馬歌應

制

癸丑七月

上駐蹕南苑試馬王公以下八旗三

品官以上出良馬萬餘騎

上御瞭鷹臺閱之樹

旌旗為馳道自大紅門齊發奔馳五十餘里先

至臺下者四十餘騎

賜銀帛有差臣英及

臣在豐奉

命扈從欣觀其盛

各賦長歌翼日

講筵進呈

天閑萬馬嘶新秋碧草無際黃雲流清曉

翠華駐南苑下

詔明日觀驊騮
瞭鷹臺畔平蕪綠
房星中夜光可燭金
羈玉勒珊瑚鞭雲錦
千羣麗朝旭

國家馬政前代稀
芻秣蕃息過秦非
玉關葱嶺久通道
渥洼異產今來歸

聖人神武六龍御
黃金幄敞頻迴顧
王公將相各呈奇
赤騮紫燕紛無數
平沙夾道旌旗開
千騎遠自紅門來
經過長楊歷甫草
勢如雷激聲如雷
誠哉天馬稱汗血
紅塵不動影先絕
驪駒蹀躞看流雲
照夜奔騰類飛雪

中有龍種何踰躐神閑先到高臺邊超羣致遠有餘力
五花蹴地真連錢須臾數馬復奔逸飛黃騷裏皆奇質
前岡影動方微茫轉盼人前鳥同疾

聖人顧此

天顏怡三千駉牝皆權奇就中四十更雄特吳綾蜀錦
優賚之

國家典禮有深意恐有鹽車困騏驥便是金臺市駿心
伯樂一顧空幽冀小臣何幸從馳驅欲寫神駿增躊躇

試馬由來寄軍政拜手秋原贊

廟謨

南苑紀事詩十首應

制

豈如漢武駐離宮詎與唐宗避暑同

聖主觀書朝啟閣爐煙不斷雨聲中

其二

月當銀漢漏聲遲東閣深嚴近

御墀

宸翰九重天上至雲牋親寫早朝詩

其三

鸞旂羽箭逐輕風獵罷西山落日紅雲外玉驄歸帳殿
九天鐃吹晚霞中

其四

秋郊白兔逐黃塵碧草叢中遠避人
天子御園親射得獵回宣

勅賜諸臣

其五

嘉魚出水錦鱗紅中使擎來正晚風自愧小臣叨侍從
得沾兩度

聖恩隆

其六

宸心親切念詞臣憐爾清曹薄官人講罷退歸龍尾道
重教宣進

賜溫綸

其七

試馬臺高

御苑東六軍動地滿旗風書生愧乏長楊筆款段行隨
萬馬中

其八

西山遙接

帝城端屏列芙蓉翠色寒最是新秋微雨後萬峰如在

苑中看

其九

今年秋色禁雲邊
馬散郊原日暮天
翠幕高張平野濶
冰輪正對

直廬懸

其十

單衣短袖趁新涼
羽箭雕弓最擅長
纔見烏號明月滿
霜翎早已著垂楊

紀

恩恭賦二首

臣英同臣在豐扈從南苑入夜值大風雨
上在行宮謂侍臣曰兩翰林恐油幕

未具得無有沾濕之苦時已漏盡三鼓命

中使至學士傳達禮帳中傳諭移於五店

皇莊安宿學士回奏曰已為二人料理何敢煩
聖慮時英等已就枕次日學士傳上

諭因恭賦

詩進呈

秋郊雲霧暗空濛靜夜攤書燭影紅

聖主慈仁深念及小臣風雨

直廬中

其二

草濕煙深夜漏遲特傳

溫諭出

龍墀頓忘帳外秋聲急身在

堯天雨露時

德壽寺

進講畢

上謂翰林學士傳達禮曰南苑中有玉皇閣德壽寺二人曾遊覽否傳

回奏此

禁地非奉

命不敢入因

命

同臣英及臣在豐往觀各成五七言排律

進

呈

寶刹流金碧弘開

御苑東梵鐘連

禁柳精舍傍

宸樞貝闕懸金鏡丹楹架彩虹香雲幽徑滿花雨

上林紅碧草生經室青蓮隱佛宮瑤堦看竦峙寶鼎獨
玲瓏翡翠含雲氣雕鏤奪化工鐸聲如轉漏殿影欲凌
空詎是禪居麗皆因

帝力雄莊嚴金粟地常在五雲中

有寶鼎順
治年製

玉皇閣

高閣平臨北極開
仙居璀璨似蓬萊
晴光遠映琉璃瓦
紫氣遙連白玉臺
寶頂浮空芳樹裡
紅牆落影碧雲隈
殿名元極諸神護
座比圓丘五帝陪
金翠搖光迎日月
簾櫳拂地隱風雷
山河圖畫

深宮賜纓絡幡幢

內府裁雲滿雕梁
疑乍落龍螭繡柱欲飛來
玉缸燈火輝長晝
古鼎爐煙接上台
秘殿萬靈真肅穆
豐碑雙影

更崔嵬映堦綠樹齋宮滿夾路秋花道院栽地近

上林多氣色居隣三島絕塵埃閒人未敢窺青鳥幽徑
常看長碧苔望氣由來知壯麗承

恩今始得徘徊蓬壺勝事欣遊賞媿乏靈光作賦才

賦良馬應

制二首

十月臣英同臣在豐庵蹕南苑

上在行宮

方張燈伸紙作大書中夜傳翰林侍讀學士喇
沙里至前問曰兩翰林此時作何事對曰方在
直廬讀書上曰可令兩人各賦良馬

詩學士請良馬狀

上曰此不必論古人以

騏驎比君子所謂驥不稱其力稱其德也因恭

賦二律次日講

書畢 迺呈

天閑龍種本星精一片桃花萬里行
金勒乍銜疑電繞玉鞭初動覺雲生
遠隨日馭過青海遙逐霞光度赤城
幸傍

鑾輿稱上駟調良獨擅渥洼名

其二

顧影天街燦錦韉驂駟得傍

聖人前華山歸馬修文日冀野登臺市駿年芳草每銜

仙仗裡紅泉常飲

禁雲邊從來騏驥如君子伯樂欣逢與共傳

康熙十二年十月十二日

特賜講官紫貂白金文綺時同

賜者學士熊賜履侍讀學士楊正中杜臻陳廷敬侍講

孫在豐編修葉方藹史鶴齡

臣

英八人

霜華曉日映龍樓

講幄簾開

玉殿頭

溫語九天傳鳳詔輕寒十月

賜貂裘頒從

御府香雲繞衣傍爐煙紫氣浮冰雪頓忘皆

聖澤陽春偏荷

主恩優

其二

清班日侍

禁庭陰溫飽無求本素心珥筆方慙廉重祿承

恩况復賜南金九齡曾上千秋鑑蘊古遠陳大寶箴自
媿涓埃全未答但鏤銀管效謳吟

其三

紫殿披香帶曉開青緜

內府出新裁山龍幸際垂裳盛縫掖慙無濯錦才宮繡
繽紛雲外捲天章璀璨日邊來願將俯念諸臣意衣被
蒼生遍九垓

扈從南苑蒙

賜直廬飲饌恭紀二首

先是

上于

講筵

巡行扈從所以備顧問資講勸也無令艱于資
裝嗣後帳幔飲食馬匹器具皆令給于內府永
著為令

侍從晨趨

御苑東直廬

特賜傍

行宮頓忘野色風霜急真覺

皇仁覆載同捲幔正逢明月滿攤書相對夜燈紅儒生
何幸分帷幄常在鸞旂豹尾中

其二

丹地年年愧素餐躬承

渥澤海天寬侍

朝每得分仙饌扈

蹕還教領大官

賜粟恩光沾玉粒調蘭香氣出金盤每從退食公門後

覆餗常憂欲報難

宸翰篇

康熙十六年丁巳三月敬觀
筆臨蘇軾大字一軸因恭賦斯篇

御

聖主宵旦勞萬幾未央曉漏觀垂衣燕閒即入圖書室
瑤函錦軸生光輝

親洒宸翰大如斗擘窠舊蹟皆崑嶠遙將標格掩鍾王
近看矩矱卑顏柳寶墨淋漓書敬天高署

經幃黼座前小臣侍從來深殿仰窺素壁生雲煙嘗思
聖學何淵邃落筆濡毫有深意直將欽若接敷華妙義

能涵十六字清和三月正春融
瑤堦永日移銅龍集賢
學士承

恩渥手捧

天書出九重偶爾臨摹寫蘇軾結構縱橫具神力鳳翥
鸞翔迴異姿銀鈎鐵畫真雄特遙想

深宮畫漏分

御爐香霽正氤氲翡翠筆牀凝曉露琉璃硯匣起春雲
東坡寒落黃州白流傳千載還遭遇楚澤孤臣吮筆時

豈知今日

龍顏顧由來

御筆重琳琅飛白當年寫玉堂
唐宗賜札傳三傑漢祖
頒書美十行今日侍臣親拜

賜弘壁天球良不啻小臣幸在

直廬前芸香盥手頻窺視

天藻繽紛自卷舒珊瑚色映

御圖書日星流曜垂丹地奎壁分光照石渠
學士頻年

典文翰拜手紫庭賡復旦什襲藏之億萬年天際遙遙
配雲漢

康熙十六年五月三十日蒙賜

御筆楷書清慎勤三大字草書格物二大字石刻及趙
孟頫所書不自棄文石刻恭紀四章

承

恩陪侍

禁垣邊

御墨封題自

講筵共仰奎章超百代欣看

宸翰灑中天波翻筆底虬龍出雲湧毫端日月懸自媿

小臣叨

賜渥光華紉縵頌堯年

其二

琳琅寶翰重南金拜

賜還知意獨深常願普天沾

聖澤特將如水勵臣心守身當似持雙壁愛日偏宜惜
寸陰飛白漫誇題玉署恭承三語即官箴

其三

墨池遙接晉唐風蒼勁雄奇奪化功古法傳來章草在
貞珉勒就石經同祇因道與千秋合不獨書兼八體工
更向揮毫窺

聖學精微囊括片言中

其四

龍章拜手賜龍墀更捧新成

御府碑價比蘭亭初勒石書傳松雪舊臨池縹緗尚有
王孫蹟翰墨還邀

聖主知敢向

熙朝甘自棄昔賢遺訓是良規

六月五日

特召

臣

英至

懋勤殿

上講中庸及太極西銘之學并命臣英敷陳經書大義

復

親灑宸翰書忠孝存誠大字二幅以

賜

臣

不勝榮幸恭賦八首

雨餘晴日映花甌今古圖書

黼座前紫閣晝長簾影靜一編澄對

御爐煙

其二

洙泗微言日討論遠從堯舜接心源

虛懷不厭咨詢切好問何殊闢四門

親講中庸
舜其大知一章

其三

遐考圖疇遡渾濛近推源洛振宗風仰窺

聖學無涯際願頌高深海嶽同

親講太極西銘之學

其四

雅頌由來被管絃先王風教在遺編睢麟八百基王化

敬誦周南第一篇

命臣英
講毛詩首章

其五

迎涼殿裡拂華牋滿貯端溪寶墨鮮親見

君王揮玉管承

恩拜賜

御牀前

其六

擘窠驚見筆如輪落紙雲煙若有神篆籀書能兼八法
縱橫勢可勒千鈞

其七

存誠精義貫天人忠孝良規勗子臣敬佩

王言如學海敷天萬類荷

陶甄

其八

寶篆朱濃墨未乾捧持暮出

禁雲端數承汪濊

恩施重益愧愚蒙報荅難

文端集卷一

欽定四庫全書

文端集卷二

大學士張英撰

存誠堂應

制詩集二

內庭應

制詩一百首

懋勤殿盆中古梅一株雙幹花分紅白恭賦應

制

上苑羣葩未放時春風先已到

彤墀交柯碧樹參差影雙萼琪花冷艷姿野質乍驚
仙閣暖歲寒深賴

主恩知

天階雨露寬如許日送微香點硯池

天府寶翰篇

康熙十六年十二月二十一日蒙

賜觀

內府所藏王羲之懷素顏真卿蔡襄蘇軾黃庭堅米芾
朱熹趙孟頫及董其昌真蹟共十六軸宋初搨淳

化閣帖

臣

不勝欣幸恭賦斯篇

秘閣西頭古錦囊時時寶鴨薰天香雕函什襲虬龍抱
玉匣標題翡翠裝

君王清燕常留翫不寶珠璣寶書翰往代名箋色尚瑩
千秋遺墨光猶燦學書無過王右軍天門鳳闕迴無羣

蕭疎內景神仙字娟秀曹江孝女文

昔人謂右軍書黃庭經飄逸有神仙

之藥曹娥碑婉順有孝女之儀今內景經曹娥碑真蹟皆存

內府

懷素上人筆如鐵

漏痕釵脚皆奇絕藤影盤時鶴欲棲劍鏗舞處蛟堪截

平原雄勁若有神內制猶存寶篆新

顏真卿書朱巨川誥勅有唐宋璽

晉唐墨跡人間少由來一字堪千緡端明學士黃州客

作字還如畫奇石山谷偏餘瀟洒姿南宮獨創欽寄格

骨氣蒼嚴數晦翁偶然藻翰皆能工始信真儒自淹貫

臨池原不比雕蟲子昂雅得蘭亭意江左宗風猶未墜

近代華亭說劍篇落筆輕圓饒逸致

周文矩畫說劍圖董其昌書說劍篇

閣帖初年搨本奇玉堂手記拜恩時

宋畢士安為學士淳化初年賜此帖

士安自跋于後

澄心舊紙廷珪墨海內流傳第一碑古人真蹟

良難遇一片精英凝尺素鴻寶常騰奎壁光靈物從來

鬼神護

聖主典學開承明旁搜文翰佐昇平譬彼珍奇貢川嶽

沐日浴月光華生累朝墨妙藏

天府

聖情如歷瓊瑤圃
溫室臨摹敲硯冰
風亭展對飛檐雨
侍從詞臣許縱看
驚心駭目誇雄觀
泰山俯視皆雲氣
滄海平臨盡紫瀾
先教拂拭青玉案
捧持須用薔薇盥
書家今得見山陰
如遡河源入星漢
再拜稽首

恩無疆
晴窗寓目神飛揚
天球河圖世世寶
上與景慶同輝光

雪中直

南書房恭紀六首

臘盡春前雪正宜
天街飄灑晚烟時
如霜漸滿黃金瓦
似絮濃沾白玉墀

其二

凝輝積素影踟躕

宸藻新題五色牋
今日

聖情偏豫悅
普天來歲是豐年

其三

瓊林萬樹鬩芳菲
瑤島諸峰隱翠微

上苑光輝開輦路

六龍行處六花飛

其四

水晶簾捲雪漫漫坐擁圖書向晚看
新露研朱還校閱
親拈玉管不知寒

其五

爐煙暖散墨池冰滿苑瑤華夜色澄
秘閣小臣沾
聖澤梅花香裡讀書燈

其六

平明走馬石橋頭
銀海光搖碧殿浮
雪後曉寒都不覺

尚方新

賜翠雲裘

除夕

養心殿侍

宴應

制

深殿宵沈寶炬然歲除欣侍五雲邊步隨仙仗陪鵷鷺
坐近

天香聽管絃柏葉分行傳玉琰椒花送暖入瓊筵漸知
溫律陽春早拜手

君恩又一年

元日

養心殿侍

宴應

制

暖日和風漾鳳城履端清讌在承明樓前晴雪消金掌
璣上春星轉玉衡三殿班聯同愜樂萬方歌舞祝昇平

欣沾元日

恩輝早曉奏鈞天第一聲

上元

賜宴恭紀

龍墀春早至鳳曆月初圓紫閣銀花麗天街玉鏡懸

歌連綺陌宴賞入華年令節叨

恩重調蘭出

御筵

養心殿看鼇山燈恭賦

琉璃宵映藥珠宮絳蠟分行皎月同
山似蓬萊移海上人疑鸞鶴戲雲中
當筵自舞呈天巧弄影無心奪化功
漫說魚龍誇往代神奇不數偃師工

其二

綵山燈燦若流霞

黼席高張倚碧紗
萬壑烟雲千樹月
一樓簫管四時花
青驄解向平橋轉
畫舫能隨石岬斜
此夕看從深殿裏
奇觀何異泛仙槎

恭覲

御製詩十章敬賦四首

睿詞天藻日光輝
手捧

鸞書在

禁闈獻賦侍臣慙珥筆賡歌

聖帝正垂衣

其二

萬幾暇日偶怡情玉韻金聲震八紘
函蓋古今誰得似海濤千頃日華生

其三

豈羨唐宗吟爽氣漫誇漢武賦秋風
九霄明月千峰雪盡入

君王藻翰中

其四

五字高吟豈漫然還同六義與流傳
崇高在德真

天語不是尋常月露篇

聖製有崇高原在
德壯麗豈為成之句

南書房盆中白梅盛作花恭賦

一樹梅從

上苑移頻勞中使護重帷
花迎暖日香侵席人對春風
雪滿枝疎影夜添燒燭後
清芬朝撲捲簾時野橋絕磧

尋常見幾到

君王白玉墀

月下出自西掖

太液波涵

禁苑西

君恩分與一枝栖
長堤路指紅牆近
古殿陰連碧樹低
曉度石橋看馬跡
晚隨金鑰聽烏啼
慙無經術酬知遇
高閣空然照夜藜

恭賦

孝昭皇后輓詩四首

華閼鍾祥久椒塗叶瑞宜六宮型

后德萬國仰

坤儀地圻珠沈日天驚月墜時敬颺彤管盛冀慰

紫宸思

其二

徽音騰桂苑

寶冊正瑤宮練服先羣御宵衣佐

聖躬薦馨

宗廟肅視膳

寢門同一自雲輶杳淒淒玉殿風

其三

懿恭標壺則雍肅範人倫家國沾淳化

宮闈洽至仁禕衣新耀綵寶鏡忽承塵

聖主頻揮淚哀思感侍臣

其四

素嬰移郊甸孤城寢殿開悲看丹旄過泣送寶衣來執
紼千官擁隨車萬姓哀小臣垂涕日作誅愧非才

閏三月二十一日五臺山新貢天花至

特頒手勅分賜恭賦應

制

靈嶽珍蔬貢尚方欣從

紫禁沐

恩光清芬遠帶山嵐色鮮潔猶含石髓香

聖藻溫綸深雨露仙厨異味重琳瑯同時寵賚成佳事
千禩流輝照玉堂

閏三月二十二日蒙賜

上所御涼帽鞞襪及羅紵表裏恭賦

六年講席慙無補自天

錫賚邀便蕃內織新裁稱長短香羅綺紵隨寒暄紫綈
豐貂白狐腋嚴風積雪資奇溫身著

賜衣拜

天子一時光彩生庭軒補袞何能贊

文治書紳常恐孤

殊恩服之不衷古所誠寸心感惕恒自捫顧瞻已足耀

蓬戶況乃推解勞

至尊華冠曾經服

元首明珠的皪如瑤琨黼黻裁成錦蔽膝赤芾金烏奚

足論

頌自尚衣最親切龍香繚繞今常存書生微躬焉敢近
空懷慙汗驚心魂錦箱珍重黃封密留與貧家示子孫
世祖皇帝御書正大光明大字

今上御製題跋勒石告成蒙

恩賜觀恭紀

聖祖宸章日月昭傳心精義接唐堯典謨四字垂千古
藻翰重華見

兩朝如覩揮毫臨墨沼欣看勒石炳丹青

君孝德兼文德作述同光萬禩遙

四月十七日

賜觀盆植人復賦此時同說巖阮亭澹人近公

椒樹陰中荷鋤尋孤莖五葉翠雲深由來靈草生豐沛
喜見移根到

上林

四月二十六日蒙

賜新貢龍井天池珍茗二瓶恭紀四首

春山雷英綠參差驛使南來貢

御時千片月圓天上味清芬先許侍臣知

其二

瑞草榮

頌向直廬捧持驚喜拜

恩初錦函自啟窺新綠不覺蘭香滿石渠

其三

披雲和露出層巒雀舌名芽欲購難家住江南渾未識

得分珍味在長安

其四

晚窗自煮石泉清靜聽松風第一聲喜沐

君恩分玉液不將仙露羨金莖

四月二十八日蒙

賜高麗人復一函恭賦

紫園名重舊

神京

紫園參名東坡
有紫園參詩

瓊液金枝色最瑩山澤常看雲氣

護海天朝映日華生俯憐弱質宜仙草

特賜靈芽荷

聖情時飲甘香同湛露勝含雞舌在西清

恭和

聖製喜雨詩

靈雨東來滿

帝城和烟霑灑

玉階輕捲簾笑指雲生處稼穡深紫

聖主情

五月初八日

賜五臺山新貢香菌恭賦二首

包貢西來入

九重石英遙自白雲封

君恩分得名山味身到清涼第一峰

其二

香菌離奇細石紋紫芝瑶草鬪清芬祇因野性甘藜藿

最愛山蔬帶水雲

恭和

御製郊外偶作

郊圻一道鶯花晚
禾黍千村雨露深
不獨詩情窮物態
由來

睿藻叶天心

恭和

御製夜靜讀書

御牀繚繞一簾香
午夜觀書燭影長

聖度此時天際滿
遙同明月照要荒

恭和

御製郊外即事

風過涼生樹雲來
雨濯枝三農耕稼
苦常藉

豫遊知

恭和

御製複道口占

晚涼遊上苑扶輦見園官為報榴花豔紅侵碧玉闌

恩賜紫禁城騎馬恭賦二首

詔許垂鞭入

禁林天街蹀躞紫雲深書生自愧駑駘力難報孫陽感
遇心

其二

珥筆承

恩禁掖西曉聽官漏夜烏啼從茲芳草長楸道青瑣沈

沈送馬蹄

四月十八日蒙賜

御筆臨蘇軾詩一卷草書唐詩二幅恭賦二首

君王清燕侍臣知
裴几常臨白玉墀
披卷愛當明月夜
揮毫多在晚涼時
湘簾香繞書千帙
春殿雲生墨一池
地近九霄饒雨露
名牋新

賜曲江詩

御筆書唐詩
有曲江烟柳之句

其二

坡仙楷法今猶在草聖新題墨未乾
秀色松筠千嶺上
竒姿鸞鶴五雲端
臣叨

寶翰重頒渥人比瑤光一見難
自幸此身依日月拂牋
常奉萬年歡

侍從登景山恭賦六首

追隨登陟翠微峰
馬首雲生石上松
俯視萬家圖畫裡
祇因身得近

飛龍

其二

上苑平蕪校射宜
雕弓羽箭晚涼時

聖人神武真天授
命中爭誇百步奇

其三

初從

清蹕虎城來
猛獸珍禽總異材
不獨熊羆同渭水
還看

麀鹿似靈臺

其四

漫誇繡嶺長楊館
豈羨甘泉五柞宮
身到華林最深處
蓬萊指點絳雲中

其五

古槐垂地晚陰疎
雨過涼生滿玉除
遙隔珠簾窺紫閣
君王親玩總圖書

其六

羽衛羣趨進玉鞭
書生分跨紫連錢
君恩欲試馳驅力
攬轡常教近

御前

恭覲

御製夏日登景山詩敬賦二首

載筆隨車陟閭風小臣詞句愧雕蟲

皇情歡豫抒天藻氣蓋山河百二中

御製詩中有翰林隨輦進詞章

之句

其二

碧落雲生夕照西千山送雨晚烟低
微材欣際賡颺盛

名姓驚看入

御題

五月十五日黑龍潭扈

蹕恭紀

俯瞰龍湫碧瓦亭中涵雲氣比滄溟一泓澄澗浮文藻萬
疊蒼山列畫屏喜雨曾經

宸翰賜祈年常見

翠華停今從

清蹕時巡處禾黍臨風夾道青

碧雲寺扈

蹕恭紀

衆峰環翠與雲平勝地幽奇愜

聖情石路陰陰籠樹色僧房處處聽泉聲

行宮朝對靈囀敞

御榻宵移竹院清

睿賞坐來吟咏久隔林山月晚涼生

金華山志
卷二
扈

蹕至法海寺瞻仰

世祖皇帝御筆敬佛大字石碣奉

勅恭紀

巖壑蒼深佛寺宜

先皇曾駐翠雲旗鼎湖弓劍存遺蹟山殿松筠覆古碑

千載

宸章看勒石

兩朝家學重臨池

聖心瞻眺停輿衛指點香臺下馬時

石景山扈

蹕恭紀

羽衛連朝作勝遊還從石景駐鳴騶懸巖飛閣松陰合
古洞藏經蘚壁幽遠樹平臨開冀野羣峰西繞送河流
六龍更渡橫橋外萬壑遙看紫氣浮

駕度渾河共
病不能從遂留石

景

和龍湫壁上韻應

制

碧澗穿雲落閒階曲曲流

聖情怡皎潔

仙蹕助清幽片石涼宜夏空山響帶秋名泉經

睿藻敷澤滿

皇州

題臥佛寺殿前大樹應

制

古樹叅雲佛閣前

聖心留賞拂華牋夕陽恰在香林外一片清陰落

御筵

盤磴應

制

洪光寺有盤磴
九折柏陰蔽日

古柏陰中石磴盤如虹迢遞跨層巒

翠華迴歷烟霄外山半紅雲駐馬看

奉

勅題贈聖感寺僧海岫

僧以苦行受知因
賜名聖感寺

碧水蓮花清淨身香臺施食道心真荒山布衲安禪處
戒律精嚴感

聖人

恭覩

御製遊覽諸詩敬賦

帳殿瑤函載錦牋登臨處處有詩篇朝吟麗句龍驤擁

夜落仙毫寶炬然瑞彩常教籠古寺翰香分賜與流泉
小臣忝附清塵外時聽南風入五絃

扈

蹕西山至南苑紀事詩四十首

野色蒼茫隔柳堤名山多在

帝城西青郊緩引黃金勒白馬輕翻碧玉蹄

初出西直門
茂林曲

徑最為
幽勝

其二

遙望飛塵一綫輕
平郊歷歷引雙旌

皇情最愛田疇好
萬騎傳呼逐隊行

上諭衛士勿踐民田令魚貫單

行

其三

擊壤歌衢樂自如
不教雞犬避

乘輿山僧出定閒
披衲野老來看勸
倚鋤

寺僧不擾觀者不令迴避

其四

四民獨苦是耘耔

君相同心軫念時不待幽風歌七月

聖人親製憫農詩

御製同大學士及侍衛等幸黑龍潭途中詩念農民暑中荷鋤之苦

其五

古潭石碣蘚痕斑常迂

鑾輿到碧山只為蛟龍留窟宅能將霖雨遍人間

扈

幸黑龍潭

其六

盤紆峻嶺白雲封今日新看

幸六龍指顧河山襟帶裏鸞旂遙駐最高峰

自黑龍潭度嶺至五

間華

其七

蕭蕭野寺入雲根徑轉峰迴始到門石色溪聲如太古

閒花幽草似仙源

從廣泉寺至臥佛寺溪山最幽

其八

陰崖盡日掩芳叢退谷亭幽幽徑通單騎不教傳

警蹕山泉聲繞玉花驄

退谷曲徑清流與御驄相繞

其九

千雲秀色比祇林斑駁萋萋歲月深嘉樹幸邀

天子顧教依玉几詠清陰

上觀製臥佛寺大樹詩
命臣英臣士奇于

御前
同詠

其十

霽顏不覺堂廉遠軫念恒如父子親馬首備聞

天語切本朝家法重臣鄰

上于馬上顧大學士及
臣英等論君臣一體之誼

其十一

激湍

書就字如椽筆底蕭蕭響澗泉莫訝小臣還氣索塗鴉

敢向墨池前

然

上于龍泓亭書激湍二大字落筆天
命臣英書聽泉臣士奇書枕流臣

等仰瞻

御筆

在前不能措手

其十二

滿地松陰碧澗流昔年曾宿寺西樓書生仍是看山客

得扈

君王萬乘遊

碧雲寺
憶萬遊

其十三

驂駟豈獨羨騰驤德冠金臺選駿場試落雕鞍渾不覺

始知天驥重調良

上所乘駿馬最良左右試之此然不動命從臣駐觀亦稱驥以

德之意也

其十四

聖主尋幽載筆隨常披蒼蘚看殘碑幾年

翠輦曾遊處猶記山亭壁上詩

龍湫亭及來青軒壁上詩有佳者上曾遊

處猶記

憶之

其十五

御書蒼勁迴無儔懸向千峰最上頭奎曜常同雲漢麗

日華高映海天秋

朱青軒瞻
御筆恭紀

其十六

空濛雲氣生虛壁遠近嵐光入小亭幾度凭闌看不厭

山容野色總青冥

朱青軒高敞
最宜遠眺

其十七

古洞嶙峋飛閣繞侍臣登躡藉垂藤

鳴鑾偶憩青蓮社，敝衲常憐白髮僧。

上幸寶珠洞
御製詩賜僧

海岫并

命且

英等作詩贈之

其十八

攬勝歌風同過沛，時巡觀俗陋橫汾。千村蔀屋瞻

龍氣，萬幕平郊散馬羣。

石景山駐蹕
衛士皆羅布山下

其十九

憑虛高閣俯松端，千頃平疇入望寬。山色自青雲自白，

河流蒼莽古桑乾。

石景山
晚眺

其二十

靈境無如潭柘杳幽栖真見古瞿曇無濟勝登臨具

咫尺名山不易探

上幸戒壇潭柘念及英偶病舉命暫留石景山昔許詢

善登山人謂其有濟勝之具巨愧不能也

其二十一

巖壑紆迴入渺茫鳥啼花落總天香
渾河西畔山逾秀

福地珠林紀晉唐

戒壇潭柘山更幽奇佛刹乃晉唐之遺

其二十二

翠竹烟梢碧玉姿傍崖臨水綠差池

皇心珍重凌霜節題作篋簞第一枝

潭柘有竹最茂
御製詩詠之

其二十三

深山民俗自義皇婦子提攜

輦路傍豈是房陵朱仲李也同芹曝獻

君王

時道傍村民有獻鮮李
者上笑而容之

其二十四

寶翰偏宜洞壑藏山光雲影入

天章一經洗筆溪頭水清澗常流

御墨香

西山諸勝地

上皆有題詠

其二十五

天閑晚向柳陰開鐵駟花驄盡上材牽向

御前都記憶何年貢自渥洼來

上幸南苑閱馬
御殿良馬甚多一一

記其所
貢之人

其二十六

涼風習習捲龍旂碧草叢中獸正肥

親挽琯弓頻射得千聲虎拜頌

天威

南苑合圍上
親射每發必中

其二十七

豹尾龍驤若布碁放麇傳語六軍知書生新扈長楊獵

親見

皇仁解網時

合圍時凡不成禽者
命開一面放之

其二十八

聰慧天潢少有名九齡初入

御園行自乘果下隨

龍馭萬騎叢中學射生

時有郡王九齡隨園騎射

其二十九

上林迴繞是清渠北渡平橋映碧虛

聖澤常同靈沼樂柳風生處看游魚

上臨流看魚

其三十

落照西山獵騎催長風駕雨自東來玉鞭動處雲隨馬

十里離宮頃刻回

獵回遇風雨

其三十一

宮使頻看驛騎催遙從長樂問

安回寶弓

親射林中鹿為進

慈寧御饌來

上親射鹿進
太皇太后

其三十二

昔扈行宮入

講筵陳詩獻賦綠槐邊今看

繡座牙籤處得奉

恩波已六年

上驛蹕南苑猶日

御講是臣英
思初承
命進講正在離宮今已六年

其三十三

殿角鐘鳴佛寺幽重來金地裝經秋薰風兩度過蘭若
總是

君恩許賜遊

臣于康熙十二年五月曾過德壽
寺今得再往皆奉
命許遊

其三十四

靈境招提御柳邊紫金爐製本天然細看翡翠龍紋裡

猶記

先皇鑄鼎年

德壽寺有寶鼎乃
世祖時所鑄工巧異常

其三十五

橫空十里陣如雲

御蓋飄搖指六軍喜見駟虞

王澤盛馬前麋鹿自成羣

南苑禽獸蕃息
真見駟虞之盛

其三十六

偶臨曲水翫淪漪宛轉溪流碧草湄隔岸游鱗隨手得

英風漢武射蛟時

看射游魚皆應手而得

其三十七

六轡學調

天廐馬一鞭遙傍屬車塵慙無羽獵長楊筆為寫軍容奉

紫宸

扈從二臣皆命乘內廐馬

其三十八

敢言託乘比枚臯駕鈍無能逐綵旄駐馬松間頻

賜問

恩深時荷

聖衷勞

臣等未習馳驅蒙

上命近侍

同行復時時

賜問春顧優異

其三十九

別殿長廊映綠苔
槐鋪深院晚蟬來

君恩常恐疲驅策

詔許行宮待獵回

上常命臣吳
子行宮候駕

其四十

天漿飽飫牙盤美仙饌常分玉箸偏此日獵回還拜

賜恩教稚子共烹鮮

四宮日

賜臣

英等羣一免二

文端集卷二